

四庫全書

子部

欽定四庫全書

子部
冊府元龜卷二百四十九

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣黃昌祺

謄錄監生臣胡觀瀾

欽定四庫全書

冊府元龜卷二百四十九

宋

王欽若等

撰

列國君部

攻伐第二

成公二年春齊侯伐我北鄙圍龍

龍魯邑在泰山博縣西南

頃公之

嬖人盧蒲就魁門焉

及龍門也

龍人囚之齊侯曰勿殺吾與

而盟無入而封

封竟

弗聽殺而膊諸城上

膊磔也

齊侯親鼓

士陵城三日取龍遂南侵及巢丘

夏四月丙戌衛孫良夫帥師及齊師戰于新築衛師敗

績

新築衛地

初衛侯使孫良夫石稷甯相向禽將侵齊與齊

師遇

齊伐魯還相遇於衛也

石子欲還孫子曰不可以師伐人遇

其師而還將謂君何

言無以答君命

若知不能則如無出今既

遇矣不如戰也石成子曰師敗矣子不少須衆懼盡

子成

石稷也

子喪師徒何以復命皆不對又曰子國卿也隕子

辱矣

隕見禽獲

子以衆退我此乃止

我於此止繫齊師

且告車來甚

衆

新築人救孫桓子故並告令軍衆

齊師乃止次于鞠居

鞠居衛地

新築人

仲叔于奚救孫桓子桓子是以免

于奚守新築大夫

六月癸酉季孫行父臧孫許叔孫僑如公孫嬰齊帥師

會晉郤克衛孫良夫曹公子首及齊侯戰于鞍

鞍齊邑

初

魯衛乞師於晉晉侯許之師從齊師于莘

莘齊地

六月壬

申師至于靡笄之下

靡笄山名

癸酉師陳于鞍齊師敗績

冬楚師鄭師侵衛遂侵我師于蜀使臧孫往

臧孫宣叔

辭曰

楚遠而久固將退矣無功而受名臣不敢楚侵及陽橋

魯地孟孫請往賂之以執斲執鍼織紵

執斲匠人執鍼女工織紵繒布者

皆百人公衡為質以請盟楚人許平

三年春正月公會晉侯宋公衛侯曹伯伐鄭次于伯牛

討邲之役也

伯牛鄭地

遂東侵鄭

晉潛軍深入

鄭公子偃帥師禦

之

偃穆公子

使東鄙覆諸鄆

覆伏兵

敗諸丘輿

鄭丘輿皆鄭地晉偏軍為鄭所

敗

夏鄭公子去疾帥師伐許許恃楚而不事鄭鄭子良伐

許

秋叔孫僑如圍棘取汶陽之田棘不服故圍之

僑如叔孫得臣

子

四年冬十一月鄭公孫申帥師疆許田許人敗諸展陂

鄭伯伐許取鉏任泠敦之田

展陂許地

晉欒書將中軍荀首

佐之士燮佐上軍以救許伐鄭取汜祭

汜祭鄭地成臯縣東有汜水

楚子反救鄭

六年二月取剽

附庸國也

言易也

三月晉伯宗夏陽說衛孫良夫甯相鄭人伊雒之戎陸

渾蠻氏侵宋

夏陽說晉大夫蠻氏戎別種

以其辭會也

辭會前年

師于鍼

衛人不保說欲襲衛曰雖不可入多俘而歸有罪不及死伯宗曰不可衛唯信晉故師在郊而不設備若襲之是棄信也雖多衛俘而晉無信何以求諸侯乃止師還

衛人登陴

聞說謀

秋孟獻子叔孫宣伯侵宋晉命也楚子重伐鄭鄭從晉故也

冬晉欒書救鄭與楚師過于繞角

鄭地

楚師還晉師遂侵

蔡楚公子申公子成以申息之師救蔡

申息楚二縣

禦諸桑

隧

汝南朗陵縣
東有桑里

七年春吳伐鄭鄭成季文子曰中國不振旅蠻夷入伐而莫之或恤無弔者也夫詩曰不弔昊天亂靡有定其此之謂乎

秋楚公子嬰齊帥師伐鄭師于汜

汜在襄城縣南

諸侯救鄭鄭

共仲侯羽軍楚師

二子鄭大夫

囚鄭公鍾儀獻諸晉

八年春晉欒書帥師侵蔡

六年未得志故

遂侵楚獲申驪

楚大夫

楚師之還也

謂六年過於統角時

晉侵沈獲沈子揖初從知范韓

也

沈國今汝南平輿縣

是行也鄭伯將會晉師

會伐蔡之師

門于許東

門大獲焉

過許見其無備因攻之

冬叔孫僑如會晉士燮齊人邾人伐鄭初士燮來聘言

伐鄭也以其事吳故

七年鄭與吳成

公賂之請緩師文子不可

文子士燮

曰君命無貳失信不立禮無加貨事無二成

公私不兩

立君後諸侯是寡君不得事君也

欲與魯絕

燮將復之季孫

懼使宣伯帥師會伐鄭

九年秋鄭伯如晉晉人討其貳於楚也執諸銅鞮欒書

伐鄭鄭人使伯蠲行成

是秋楚子重

公子嬰齊

侵陳以救鄭

陳與晉故

冬十一月楚子重自陳伐莒圍渠丘渠丘城惡衆潰奔

莒戊申楚入渠丘

月六日

莒人囚楚公子平楚人曰勿殺

吾歸而俘莒人殺之楚人圍莒莒城亦惡庚申莒潰楚

遂入鄆莒無備故也

是月秦人白狄伐晉諸侯貳故也鄭人圍許示晉不急

君也

此秋晉執鄭伯

是則公孫申謀之曰我出師以圍許

示不畏晉

為將改立君者而紆晉使

紆緩也勿亟使詰
晉示欲更立君

晉必歸君

明年晉
歸鄭伯

十年春衛子叔黑背侵鄭晉命也

晉命衛
使侵鄭

五月公會晉侯齊侯宋公衛侯曹伯伐鄭初鄭人殺孺

立髡頑子如奔許

髡頑成
公太子

欒武子曰鄭人立君我執一

人焉何益不如伐鄭而歸其君以求成焉晉立太子州

蒲以為君而會諸侯伐鄭鄭子罕賂以襄鍾

子罕穆公
子襄鍾鄭

襄廟
鍾

子然盟于脩澤子駟為質

子然子駟皆穆公子榮
陽卷縣東有脩武亭

辛巳鄭伯歸

十三年五月公會晉侯齊侯宋公衛侯鄭伯曹伯邾人

滕人伐秦及秦師戰于麻隧秦師敗績獲秦成差及不

更女父不更秦爵曹宣公卒于師師遂濟涇及侯麗而還涇水

出安定東南經扶風京兆高陸縣入渭也

十四年八月鄭子罕伐許敗焉為許所敗戊戌鄭伯復伐許

庚子入其郭郭郭也許人平以叔申之封四年鄭公孫申疆許田許人敗

之不得定其封疆今許以是所封田求和于鄭

次定四車全書

冊府元龜

六

十五年三月癸丑公會晉侯衛侯鄭伯曹伯宋世子成

齊國佐邾人同盟于戚討曹成公也討具殺太子自立事在十三年晉

侯執曹伯歸于京師不稱人以執者曹伯罪不及民歸之京師禮也

六月楚子侵鄭及暴隧遂侵衛及首止鄭子罕侵楚取

新石新石楚邑欒武子欲報楚韓獻子曰無庸庸用也使重其

罪民將叛之背盟數戰罪也無民孰戰明年晉敗楚於鄢陵

十六年四月鄭子罕伐宋滕宋之與國鄭因滕有喪而伐宋宋將鉏樂

懼敗諸洧陂敗鄭師也樂懼戴公六世孫將鉏樂氏族退舍於夫渠不倣宋師

不傲 鄭人覆之敗諸洧陵獲將鉏樂懼宋恃勝也

洧陵 大渠

洧陵皆宋地

是月衛侯伐鄭至于鳴鴈為晉故也

鳴鴈在陳留雍丘縣西北

是月

晉侯將伐鄭范文子曰若逞吾願諸侯皆叛晉可以逞

逞快也 晉厲公無道三郤驕故欲使諸侯叛真其懼而思德

若唯鄭叛晉國之憂可

立侯也欒武子曰不可以當吾世而失諸侯必伐鄭乃

興師欒書將中軍士燮佐之

代荀庚

郤錡將上軍

代士燮

荀

偃佐之

代郤錡偃荀庚子

韓厥將下軍郤至佐新軍荀瑩居守

荀瑩下軍佐於是師犖代趙旃將新軍上下軍罷矣邵犖如衛遂如齊皆乞師焉

藥廩來乞師孟獻子曰有勝矣早讓有禮故知其將勝楚戊寅晉師

起鄭人聞有晉師使告于楚姚句耳與往句耳鄭大夫與往非使也

為先歸張本楚子救鄭司馬將中軍子反令尹將左子重右尹子

辛將右公子壬夫

五月晉師濟河聞楚師將至范文子欲反曰我偽逃楚

可以紓憂紓緩也夫合諸侯非吾所能也以遺能者我若

羣臣輯睦以事君多矣武子曰不可六月晉楚遇于鄢

陵范文子不欲戰卻至曰韓之戰惠公不振旅

衆散敗也在僖

十五年

箕之役先軫不反命

死於狄也在僖三十三年

邲之師荀伯不

復從

荀林父奔走不復故道在宣十二年

皆晉之耻也子亦見先君之事

矣

見先君成敗之事

今我辟楚又益耻也文子曰吾先君之亟

戰也有故

亟數也

秦狄齊楚皆彊不盡力子孫將弱今三

強服矣

齊秦狄

敵楚而已惟聖人能外內無患自非聖人

外寧必有內憂

驕亢則憂患生

盍釋楚以為外懼乎甲午晦楚

晨壓晉軍而陳

壓擊其未備

軍吏患之范匄進

匄子

曰塞井

夷竈陳於軍中而䟽行首

疏行首者當陳前決開營壘為戰道

晉楚唯天

所授何患焉文子執戈逐之曰國之存亡天也童子何

知焉欒書曰楚師輕窺固壘而待之三日必退退而擊

之必獲勝焉郤至曰楚有六間不可失也其二卿相惡

子重子反王卒以舊罷老不代鄭陳而不整不整列蠻軍而不陳蠻夷

從楚者不結陳陳不違晦晦月終陰之盡故兵家以為忌在陳而囂囂謹諱也合而

加囂陳合宜靜而益有聲各顧其後莫有鬪心人恤其所底舊不必良

以犯天忌我必克之楚子登巢車以望晉軍巢車車上為櫓子

重使太宰伯州犂侍於王後

州犂晉伯宗子前年奔楚

王曰騁而左

右何也

騁走也

曰召軍吏也皆聚於中軍矣曰合謀也張

幕矣曰虔卜於先君也

虔敬也

徹幕矣曰將發命也甚蹢

且塵上矣曰將塞井夷竈而為行也

夷平也

皆乘矣左右

執兵而下矣曰聽誓也

左將帥右車右

戰乎曰未可知也乘而

左右皆下矣曰戰禱也

禱請鬼神

伯州犂以公卒告王

公晉侯

苗賁皇在晉侯之側亦以王卒告

賁皇楚鬬椒子宣四年奔晉

皆曰

國士在且厚不可當也

晉侯左右皆以伯州犂在楚知晉之情且謂楚衆多故憚合戰

與苗賁
皇意異

苗賁皇言於晉侯曰楚之良在其中軍王族而

已請分良以擊其左右而三軍萃於王卒

萃集也

必大敗

之有淖於前

淖泥也

乃皆左右相違於淖

違辟也

步殺御晉

厲公藥鉞為右

步殺即卻殺

彭名御楚共王潘黨為右石首

御鄭成公唐苟為右欒范以其族夾公行

二族強故在公左右

陷

於淖欒書將載晉侯鉞曰書退國有大任焉得專之

在君

前故子名其父大任謂元帥之職

且侵官冒也

載公為侵官

失官慢也

去將而御

失官

離局姦也

速其部曲為離局

有三罪焉不可犯也乃掀公

以出於淖

也 擻舉

癸巳潘阡之黨與養繇基躡甲而射之

徹七札焉

黨潘阡之子躡聚也一發達七札言其能陷堅

以示王曰君有二臣

如此何憂於戰

二子以射夸王

王怒曰大辱國賤其不尚知謀詰朝爾

射死藝

言女以射自多必當以藝死也詰朝猶明朝是戰日

呂錡夢射月中之退

入於泥

呂錡魏錡

占之曰姬姓日也

周世姬姓尊

異姓月也

異姓卑

必楚王也射而中之退入於泥亦必死矣

錡自知亦死

及戰

射共王中目王召養繇基與之兩矢使射呂錡中項伏

發

發弓衣

以一矢復命

言一發而中

郤至三遇楚子之卒見楚

子必下免胄而趨風

疾如風

楚子使工尹襄問之以弓

遺問

也

曰方事之殷也

殷盛也

有韎韐之跗注君子也

韎赤色跗注戎

服若袴而屬於跗與袴連

識見不穀而趨無乃傷乎

恐其傷

卻至見客

免胄承命曰君之外臣至從寡君之戎事以君之靈間

蒙甲冑

間猶近也

不敢拜命

介者不拜

敢告不寧君命之辱

以君辱賜

命故不敢自安

為事之故敢肅使者

言君辱命來問以有軍事不得答故肅使者肅手至

地若今禮

三肅使者而退晉韓厥從鄭伯

從逐也

其御杜溷羅

曰速從之其御屢顧不在馬可及也韓厥曰不可以再

辱國君乃止

二年鞞戰厥
已辱齊侯

郤至從鄭伯其右第翰胡曰

謀輅之余從之乘而俘以下

欲遣輕兵單進以距鄭伯
車前而自後登其車以執

之郤至曰傷國君有刑亦止石首曰衛懿公唯不去其

旗是以敗於熒乃內旌於弣中

熒戰在
閔二年

唐荀謂石首曰

子在君側敗者壹大我不如子子以君免我請止乃死

敗者壹大謂君大崩也言石首以君之親臣而
執御與車右不同故首當御君以退已當死戰楚師薄

於險

薄迫也

叔山冉謂養繇基曰雖君有命為國故子必

射

王有死
藝命

乃射再發盡殪叔山冉搏人以投中車折軾

晉師乃止

言二子皆有過人之能

囚楚公子茂

為郤至見譜張本

欒鍼見

子重之旌請曰楚人謂夫旌子重之麾也彼其子重也

日臣之使於楚也子重問晉國之勇臣對曰好以衆整

曰又何如

又問其餘

臣對曰好以暇

服閑暇

今兩國治戎行人

不使不可謂整臨事而食言不可謂暇

食好整之言

請攝飲

焉

攝持也持食往飲子重

公許之使行人執榼承飲造于子重

承

也

曰寡君乏使使鍼御持矛

御侍也

是以不得犒從者使

某攝飲子重曰夫子嘗與吾言於楚必是故也不亦識

乎

知其以往言
好暇故致飲

受而飲之免使者而復鼓

免脫也

且而戰

見星未已子反命軍吏察夷傷

夷亦傷也

補卒乘

補死也

繕甲

兵

繕治也

展車馬

展陳也

鷄鳴而食唯命是聽

復欲也

晉人患

之苗賁皇徇曰蒐乘補卒

蒐閱也

秣馬利兵

秣較馬也

脩陳固

列

固堅也

蓐食申禱

申重也

明日復戰乃逸楚囚

逸縱也

王聞

之召子反謀穀陽豎獻飲於子反子反醉而不能見

穀陽

子反內豎

王曰天敗楚也夫余不可以待乃宵遁晉入楚軍

三日穀

食楚粟三日也

范文子立於戎馬之前曰君幼諸臣不

佞

佞才也

何以及此君其戒之

戒勿驕

周書曰惟命不予常

有德之謂

周書康誥言天無常命惟德是與

楚師還及瑕

瑕地名

王使謂

子反曰先大夫之覆師徒者君不在

謂子玉敗城濮時王不在軍

子

無以為過不殺之罪也子反再拜稽首曰君賜臣死死

且不朽

王引過亦所以責子反

臣之卒實奔臣之罪也子重使謂

子反曰初隕師徒者而亦聞之矣盍圖之

聞子玉自殺終二卿相惡

對曰雖微先大夫有之大夫命側側敢不義

言以義命已不敢不受

側亡君師敢忘其死王使止之弗及而卒

秋公會尹子晉侯齊國佐邾人伐鄭

尹子王卿士子爵

遷于制

田

蔡陽宛陵縣東有制澤

知武子佐下軍

武子荀蕃

以諸侯之師侵陳

至于鳴鹿

陳國武平縣西南有鹿邑

遂侵蔡未反

侵陳蔡不書公不與

諸侯遷

于潁上戊午鄭子罕宵軍之宋齊衛皆失軍

將至與軍相失宋衛

不書後也

十七年正月鄭子駟侵晉虛滑

虛滑晉二邑滑國為秦所滅時屬晉後屬周

衛北宮括救晉侵鄭至高氏

高氏在陽翟縣西南

五月楚公子成公子寅戌鄭公會尹武公單襄公及諸

侯伐鄭自戲童至於曲洧

晉未能服鄭故假天子之威周使二卿會之今新汲縣治

曲洧城

六月楚子重救鄭師于首止諸侯還

畏楚強

冬諸侯伐鄭

前夏未得志故

十月庚午圍鄭楚公子申救鄭師

于汝上

十一月諸侯還

畏楚救不成圍還

是月齊侯使崔杼為大夫使慶克佐之帥師圍廬

討高弱

十二月楚人滅舒庸舒庸人以楚師之敗也

敗於鄆陵舒庸東夷

國道吳人圍巢伐駕圍釐也巢駕釐也楚四邑遂恃吳而不設

備楚公子素師襲舒庸滅之

十八年六月鄭伯侵宋及曹門外曹門宋城門遂會楚伐宋

取朝邾楚子辛鄭皇辰侵城郟取幽丘同伐彭城朝邾城郟

幽丘彭城皆宋邑納宋魚石向為人鱗朱向帶魚府焉五子成十五年

出奔楚獨書魚石為帥告以三百乘戍之而還

襄公元年春正月仲孫蔑會晉欒黶宋華元衛甯殖曹

人莒人邾人滕人薛人圍宋彭城成十八年楚取彭城以封魚石夫子治春

秋追書為宋此為宋討也

彭城降晉晉人以宋五大夫在彭城者歸

寘諸瓠丘

瓠丘晉地河東東垣縣東南有壺丘五大夫魚石向為人鱗朱向帶魚府

齊人不

會彭城晉人以為討

夏五月晉韓厥荀偃帥諸侯之師伐鄭入其郛敗其

徒兵於洧上

徒兵步兵洧水出密縣東南至長平入潁

於是東諸侯之師次

于鄆以待晉師

齊魯曹邾杞

晉師自鄭以鄆之師侵楚焦夷

及陳晉侯衛侯次于戚以為之援

為韓厥後

秋楚子辛

公子壬夫

救鄭侵宋呂留

呂留二縣今屬彭城郡

鄭子然侵

宋取犬丘

譙國鄆縣東北有犬丘城

二年春正月鄭師侵宋楚令也

以彭城故

齊侯伐萊萊人使正輿子賂夙沙衛以索馬牛皆百匹

齊師乃還

六月晉師宋師衛甯殖侵鄭鄭成公疾子駟請息肩於

晉

欲辟楚役以負擔喻

公曰楚君以鄭故親集矢於其目

謂駟陵戰時晉

射楚王目

非異人任寡人也

言楚子任此患不為他人故也

若背之是棄力

與言其誰暱我

言盟誓之言

免寡人唯二三子秋七月庚辰

鄭伯論卒於是子罕當國

攝君事

子駟為政

為正卿

子國為

司馬晉師侵鄭

晉伐喪非禮

諸大夫欲從晉子駟曰官命未

改

成公未葬嗣君未免喪故言未改不欲違先君意

三年春楚子重伐吳為簡之師

簡選練

克鳩茲至于衡山

鳩茲吳邑在丹陽蕪湖縣東今舉夷也衡山在吳烏程縣南

使鄧廖帥組甲三百被

練三千以侵吳吳人要而擊之獲鄧廖其能免者組甲

八十被練三百而已子重歸既飲至三日吳人伐楚取

駕駕良邑也鄧廖亦楚之良也君子謂子重於是役也

所獲不如所亡

當時君子

秋楚司馬公子何忌侵陳陳叛故也

冬晉知武子帥師伐許許靈公事楚不會于鷄澤

四年三月陳成公卒楚人將伐陳聞喪乃止

軍禮不伐喪

陳

人不聽命

不聽楚命

臧武仲聞之曰陳不服于楚必亡大國

行禮焉而不服在大猶有咎而况小乎

夏楚彭名侵陳陳無禮故也

冬楚人使頓間陳而侵伐之故陳人圍頓

間伺間缺

冬十月邾人莒人伐鄆臧紇救鄆侵邾敗於狐駘

臧紇

武仲也鄆屬魯故救之狐駘邾地魯國番縣東南有目台亭國人逆喪者皆髻魯於

是乎始髻

髻麻髮合結也遭喪者多故不能備凶服髻而已

國人誦之曰臧之

狐裘敗我於狐駘

臧紇時服狐裘

我君小子朱儒是使朱儒朱

儒使我敗于邾

襄公幼弱故曰小子臧紇短小故曰朱儒

五年冬諸侯戍陳

備楚

楚公子貞帥師伐陳初子囊為令

尹貞子公范宣子曰我喪陳矣楚人討貳而立子囊必改

行改子辛所行而疾討陳

疾急也

陳近於楚民朝夕急能無往

乎有陳非吾事也無之而後可

言晉力不能及陳故

十一月甲午

公會晉侯宋公衛侯鄭伯曹伯齊世子光于城棣以救

之

城棣鄭地陳留酸棗縣西南有棣城

六年秋莒人滅鄆鄆恃賂也

鄆有貢賦之賂在魯恃之而慢莒故滅之

十一月齊侯滅萊萊恃謀也

賂夙沙衛之謀也事在二年

於鄭子國

之來聘也四月晏弱城東陽而遂圍萊

子國聘在五年二年晏弱城東

陽至五年四月復託治城因遂圍萊

甲寅堙之環城傳於堞

堞女牆也堙土山也周城

為土山及女牆及杞桓公卒之月

此年三月

乙未王湫帥師及正與

子棠人軍齊師

王湫故齊人十八年奔萊正與子菜大夫棠菜邑也北海即墨縣有棠鄉三人

帥別邑兵來解圍

齊師大敗之

敗湫

丁未入萊菜共公浮柔奔

棠正與子王湫奔莒莒人殺之四月陳無宇獻萊宗器

于襄宮

無宇桓子陳完女孫襄宮齊襄公廟

晏弱圍棠十一月丙辰而滅

之遷萊于鄉

遷萊子于鄉國

高厚崔杼定其田

定其疆界高厚高固子

七年冬楚公子貞帥師圍陳十二月公會晉侯宋公

陳侯衛侯曹伯莒子邾子于郟以救之

晉會諸侯

八年夏四月庚寅鄭子國子耳侵蔡獲蔡司馬公子燮

鄭侵蔡欲以求媚于晉子耳
子良之子不言敗唯以獲告
鄭人皆喜唯子產不順

子產

子國子不順眾而喜

曰小國無文德而有武功禍莫大焉楚人來

討能無從乎從之晉師必至晉楚伐鄭自今鄭國不四
五年弗得寧矣子國怒之曰爾何知國有大命而有正

卿童子言焉將為戮矣

大命起師行軍之命

五月莒人伐我東鄙以疆鄙田

莒既滅鄙魯侵其西界故伐魯東鄙以正其封

疆

冬楚子囊伐鄭討其侵蔡也子馬子國子耳欲從楚

子孔子矯子展欲待晉

待晉來救子孔穆公子子矯子游子子展子罕子

乃及

楚平

九年秋秦人侵晉晉饑弗能報也

冬十月公會晉侯宋公衛侯曹伯莒子邾子滕子薛伯

杞伯小邾子齊世子光伐鄭

鄭從楚也

庚午季武子齊崔杼

宋皇郟從荀罃士匄門于鄆

鄭城門也三國從中軍

衛北宮括

曹人邾人從荀偃韓起門于師之梁

師之梁亦鄭城門三國從上軍

滕

人薛人從欒黶士魴門于北門

二國從下軍

杞人邾人從趙

武魏絳斬行栗

二國從新軍行栗表道樹

甲戌師于汜

衆軍還聚汜汜鄭地東汜

令於諸侯曰脩器備

兵器戰備

盛饌糧

餼乾食

歸老幼

示將久師

居

疾于虎牢

諸侯已取鄭虎牢故使諸軍疾病息其中

肆青圍鄭

肆緩也青過也不書圍鄭

逆服不成圍

鄭人恐乃行成

與晉成也

中行獻子曰遂圍之以待

楚人之救也而與之戰不然無成

獻子荀偃也恐楚救鄭復屬之

知武

子曰許之盟而還師以敝楚人

敝罷也

吾三分四軍

分四軍為

三部與諸侯之銳以逆來者

來者楚也

於我未病楚不能矣

各

一動而楚三來故曰不能

猶愈於戰

勝聚戰

暴骨以逞不可以爭

言爭當以

謀不可以暴骨

大勞未艾君子勞心小人勞力先王之制也

息艾

也言當從諸侯皆不欲戰乃許鄭成晉人不得志於鄭

以諸侯復伐之十二月癸亥門其三門

三門鄭門師之梁北門也癸亥

月五日晉果三分其軍各攻一門

閏月戊寅濟于陰阪侵鄭

以長歷參校上下此

年不得有閏月戊寅戊寅是十二月二十日疑閏月當為門五日以癸亥始攻攻輒五日凡十五日鄭故不服而去明日戊寅濟于陰阪復侵鄭外邑陰阪洧津次于陰口而還

陰口鄭地名子孔

曰晉師可擊也師老而勞且有歸志必大克之子展曰不可

是月楚子伐鄭

與晉成故

子駟將及楚平子孔子矯曰與大

國盟口血未乾而背之可乎子駟子展曰吾盟固云唯

彊是從今楚師至晉不我救則楚彊矣盟誓之言豈敢

背之且要盟無質神弗臨也質主也及楚平楚莊夫人卒

王未能定鄭而歸王共王也

十年夏四月戊午諸侯會于柤經書春書始行也戊午月一日晉荀偃

士匄請伐偃陽而封宋向戌焉以宋常事晉而向戌有賢行故欲封之為附庸

荀罃曰城小而固勝之不武弗勝為笑固請丙寅圍之

弗克丙寅四月九日孟氏之臣秦董父輦重如役董父孟獻子家臣步挽重

車以從師 偏陽人啓門諸侯之士門焉見門開故攻之 縣門發鄆人

紇挾之以出門者門者諸侯之士在門內者也 紇鄆邑大夫仲尼父叔梁紇也 鄆邑魯縣東

南莖城是也言紇多力快舉縣門出在內者 狄虎彌建大車之輪而蒙之以

甲以為櫓狄虎彌魯人也蒙覆也 左執之右拔戟以成一隊百人為隊

孟獻子曰詩所謂有力如虎者也詩邶風也 主人縣布董父

登之及堞而絕之偏陽人縣布 隊則又縣之蘇而復上

者三主人辭焉乃退主人嘉其勇故辭謝不復縣布 帶其斷以徇于軍

三日帶其斷布以示勇 諸侯之師久於偏陽荀偃士匄請於荀

瑩曰水潦將降懼不能歸

向夏恐其久雨從丙寅至庚寅二十五日故曰久

請

班師

班還也

知伯怒

知伯荀瑩

投之以机出於其間

出偃句之間

曰

女成二事而告余

二事伐偃陽封向戌

余恐亂命以不女違

既成敗之

為亂命

女既勤君而興諸侯牽帥老夫以至於此既無武

守

無武功可執守

而又欲易余罪曰是實班師不然克矣

謂偃句將

言爾

余羸老也可重任乎

不任受女此責

七日不克必爾乎取之

言當取女以謝不克之罪

五月庚寅荀偃士句帥卒攻偃陽親受矢

石

躬在矢石間

甲午滅之

六月楚子囊鄭子耳伐宋師于訾毋庚午圍宋門于桐門衛侯救宋師于襄牛子展曰必伐衛不然是不與楚也鄭得罪於晉又得罪於楚國將若之何子駟曰國病

矣

師數出疲病也

子展曰得罪於二大國必亡病不猶愈於亡

乎諸大夫皆以為然故鄭皇耳帥師侵衛楚令也

亦兼受楚

之勅命也皇耳戍子

孫文子卜追之獻兆於定姜姜氏問繇

繇兆辭

曰兆如山陵有夫出征而喪其雄姜氏曰征者喪雄禦寇之利也大夫圖之衛人追之孫蒯獲鄭皇耳於犬丘

蒯孫林

父子

是月晉荀瑩伐秦報其侵也

侵在九年

秋七月楚子囊鄭子耳侵我西鄙還圍蕭八月丙寅克

之

蕭宋邑

九月鄭子耳侵宋北鄙孟獻子曰鄭其有災乎師競已

甚

競爭競也

周猶不堪競况鄭乎

周謂天王

有災其執政之三士

乎

簡公幼子駟子國子耳秉政故知三士任其禍為下盜殺三大夫傳

莒人間諸侯之有

事也故伐我東鄙

諸侯有討鄭事

諸侯伐鄭齊崔杼太子光先

至于師故長於滕

太子宜賓之上卿而晉悼以一時之宜令在滕侯上故傳從而釋之

已

酉師于牛首

鄭地也

冬諸侯之師城虎牢而戍之晉師城

梧及制

欲以偏鄭也不書城魯不與也梧制皆鄭舊地

士魴魏絳戍之書曰戍

鄭虎牢非鄭地也言將歸焉

二年晉城虎牢居之今鄭復叛故修其城而置戍鄭

服則欲以還鄭故夫子追書繫之于鄭以見晉志

鄭及晉平楚子囊救鄭十一

月諸侯之師還鄭而南至于陽陵

還繞也陽陵鄭地

楚師不退

知武子欲退曰今我逃楚楚必驕驕則可與戰矣

武子荀瑩

欒黶曰逃楚晉之恥也合諸侯以益耻不如死我將獨

進師遂進己亥與楚師夾潁而軍

潁水出城陽至下蔡入淮

子矯曰

諸侯既有成行必不戰矣

言有成去之志

從之將退不從亦退

從猶服也

退楚必圍我猶將退也不如從楚亦以退之

以退楚

宵涉潁與楚人盟

夜渡畏晉知之

欒黶欲伐鄭師

伐涉潁者

荀營不

可曰我實不能禦楚又不能庇鄭鄭何罪不如致怨焉

而還

致怨為後伐之資

今伐其師楚必救之戰而不克為諸侯

笑克不可命

勝負難要不可命以必克

不如還也丁未諸侯之師還

侵鄭北鄙而歸

欲以怨

楚人亦還

鄭服故也

十一年四月鄭公孫舍之帥師侵宋初宋向戌侵鄭大

獲子展曰師而伐宋可矣若我伐宋諸侯之伐我必疾

吾乃聽命焉且告于楚楚至吾又與之盟而重賂晉師

乃免矣言如此乃免於晉楚之難是月諸侯伐鄭巳亥齊太子光宋

向戌先至于鄭門于東門傳釋齊太子光所以序莒上也向戌不書宋公在會故

其莫晉荀偃至西郊東侵舊許許之舊國鄭新邑衛孫林父侵

其北鄙六月諸侯會于北林師于向向地在潁川長社縣東北右還

次于瑣北行而西為右還漿陽宛陵縣西有瑣侯亭圍鄭觀兵于南門觀示也

西濟于濟隧

濟隧水名

鄭人懼乃行成楚子囊乞旅于秦

師乞

旅于秦

秦右大夫詹帥師從楚子將以伐鄭鄭逆之丙子

伐宋

鄭逆服故更伐宋也秦師不書不與伐宋而還

九月諸侯悉師以復伐鄭

此夏諸侯皆來故曰悉師

鄭人使良霄太宰石彘如楚告將服于晉

曰孤以社稷之故不能懷君君若能以玉帛綏晉不然

則武震以攝威之孤之願也楚人執之諸侯之師觀兵

于鄭東門鄭人使王子伯駢行成十二月庚辰赦鄭囚

皆禮而歸之納斥侯

不相備也

禁侵掠秦庶長鮑庶長武帥

師伐晉以救鄭

庶長秦爵不書救鄭鄭屬晉無所救

鮑先入晉地士魴禦

之少秦師而弗設備壬午武濟自輔氏

從輔氏渡河

與鮑交

伐晉師己丑秦晉戰于櫟晉師敗績易秦故也

十二年春莒人伐魯東鄙圍台季武子救台遂入鄆取

其鍾以為公盤

冬楚子囊秦庶長無地伐宋師于楊梁以報晉之取鄭

也

取鄭在前年梁國睢陽縣東有地名楊梁

十三年夏取邾邾亂分為三

國分為三部志力各異

師救邾遂取

之

秋吳侵楚養繇基奔命子庚以師繼之子庚楚司馬養叔曰

吳乘我喪謂我不能師也養叔養繇基也必易我而不戒戒備也

子為三覆以待我覆伏兵我請誘之子庚從之戰于庸浦

庸浦楚地大敗吳師獲公子黨君子以吳為不吊不用天道相吊恤

詩曰不吊昊天亂靡有定言不為昊天所恤則致罪也

十四年夏四月叔孫豹會晉荀偃齊人宋人衛北宮括鄭公孫蠆曹人莒人邾人滕人薛人杞人小邾人伐秦

以報櫟之役也

櫟役在十一年

晉侯待于竟使六卿帥諸侯之

師以進

言經所以不稱晉侯

及涇不濟

諸侯之師不肯渡也涇水出安定朝那縣至京兆高

陸縣入渭

叔向見叔孫穆子穆子賦匏有苦葉

詩邶風也義取于深則厲

淺則揭言已志在於必濟

叔向退而具舟魯人莒人先濟鄭子矯見

衛北宮懿子曰與人而不固取惡莫甚焉若社稷何懿

子說二子見諸侯之師而勸之濟濟涇而次

傳言北宮括所以書

於伐秦

秦人毒涇上流師人多死

飲毒水故

鄭司馬子矯帥鄭

師以進師皆從之至于械林

械林秦地

不獲成焉荀偃令曰

鷄鳴而駕塞井夷竈

示不反

唯余馬首是瞻

言進退已

樂厲

曰晉國之命未有是也余馬首欲東乃歸

廢惡偃自專故棄之歸

下軍從之左史謂魏莊子曰不待中行伯乎

中行伯荀偃也莊子

魏絳也左史晉太史

莊子曰夫子命從帥

夫子謂荀偃

樂伯吾帥也吾

將從之從帥所以待夫子也

以從命為待也樂厲下軍帥莊子為佐故曰吾帥

伯游曰吾令實過悔之何及多遺秦禽

軍帥不和恐多為秦所禽獲

乃命大還晉人謂之遷延之役

遷延却退

樂鍼曰此役也報

樂之敗也役又無功晉之耻也吾有二位於戎路

樂鍼樂厲

弟也二位謂厲將
下軍鉞為戎右

敢不耻乎與士鞅馳秦師死焉士鞅

反

鞅士

子樂厲謂士鞅曰余弟不欲往而子召之余弟死

而子來是而子殺余之弟也弗逐余亦將殺之士鞅奔

秦

樂厲汰侈
誣逐士鞅

秋楚公子貞帥師伐吳楚子為庸浦之役故

在前

子囊

師於棠以伐吳吳不出而還子囊殿

殿軍

以吳為不能

而弗傲吳人自臯舟之隘要而擊之

臯舟吳險
阨之道

楚人不

能相救吳人敗之獲公子宜穀

傳言不備
不可以師

十五年夏齊侯伐我北鄙圍成公救成至遇

遇魯地書至遇畏齊

不敢至成

秋邾人伐我南鄙

亦或於晉故

使告于晉晉將為會以討邾

莒

十二年十四年莒人伐魯未之討也

晉侯有疾乃止

十六年春齊侯伐我北鄙

齊或晉故

是春許男請遷于晉

許欲叛楚

諸侯遂遷許許大夫不可晉

人歸諸侯

唯以其師討許之不肯遷

鄭子驥聞將伐許遂相鄭伯以

從諸侯之師

鄭與許有宿怨故其君親行

穆叔從公

從公

齊子帥師

會荀偃

夏六月次于棫林庚寅伐許次于函氏

棫林函氏皆許地

晉荀

偃欒黶帥師伐楚以報宋楊梁之役

晉師獨進楊梁役在十二年

楚

公子格帥師及晉師戰于湛阪

裏城昆陽縣北有湛水東入汝

楚師敗

績晉師遂侵方城之外復伐許而還

秋齊侯伐我北鄙圍郕

郕魯孟氏邑或晉故伐魯

孟孺子速徼之

孟獻

子之子莊子速也徼要也

齊侯曰是好勇去之以為之名速遂塞海

陘而還

海陘魯隘道

十七年春宋莊朝伐陳獲司徒印卑宋也司徒印陳大夫卑宋不設

備

夏衛石買帥師伐曹

買石

衛孫蒯田于曹隧

越竟而獵孫蒯林父

之子

飲馬于重丘

重丘曹邑

毀其瓶重丘人閉門而詬之

詬罵也

曰親逐而君爾父為厲

厲惡鬼林父逐君在十四年

是之不憂而何

以田為衛石買孫蒯伐曹取重丘曹人愬于晉

明年晉人執石

買

秋齊侯伐我北鄙

前年圍成辟孟孺子

圍桃

弁縣東南有桃虛

高厚圍臧

紇于防防臧師自陽闕逆臧孫至于旅松陽闕在泰山鉅平縣東旅

松近防地也魯鄆叔紇臧疇臧賈帥甲三百宵犯齊師畏齊不敢至防

送之而復鄆叔紇叔梁紇臧疇臧賈臧紇之兄弟也三子與臧紇共在防故夜送臧紇於旅松而復

還守齊師去之失臧齊人獲臧堅堅臧紇之族齊侯使夙沙

衛唁之且曰無死使無殺堅稽首曰拜命之辱抑君賜不

終姑又使其刑臣禮於士以杙抉其傷而死言使賤人來唁已

惠賜不終也夙沙衛

冬邾人伐我南鄙為齊故也齊未得志於魯故邾助之

十八年秋齊人伐我北鄙

冬十月公會晉侯宋公衛侯鄭伯曹伯莒子邾子滕子

薛伯杞伯小邾子同圍齊

齊數行不義諸侯同心俱圍之

齊侯禦諸平

陰塹防門而守之廣里

平陰城在濟北盧縣東北其城南有防防有門於門外作塹橫

行廣一里故經書圍

夙沙衛曰不能戰莫如守險

謂防門不足為險

弗聽

諸侯之士門焉齊人多死范宣子告析文子

析文子齊大夫子家

曰吾知子敢匿情乎魯人莒人皆請以車千乘自其鄉

入既許之矣若入君必失國子盍圖之子家以告公公

恐晏嬰聞之曰君固無勇而又聞是弗能久矣

不能久
敵晉

齊侯登巫山而望晉師

巫山在盧
縣東北

晉人使司馬斥山澤

之險雖所不至必旆而踈陳之使乘車者左實右偽以

旆先

偽以衣服為人形
也建旆以先驅

輿曳柴而從之

以揚
塵

齊侯見之

畏其衆也乃脫歸

脫不張
旗幟

丙寅晦齊師夜遁師曠告晉

侯曰烏烏之聲樂齊師其遁

烏烏得空
營故樂也

邢伯告中行伯

邢伯晉大夫邢侯
也中行伯獻子

曰有班馬之聲

夜遁馬不相見
故鳴班別也

齊師

其遁叔向告晉侯曰城上有烏齊師其遁十一月丁卯

朔入平陰遂從齊師夙沙衛連大車以塞隧而殿

此衛所欲

守險殖綽郭最曰子殿國師齊之辱也

魯人殿師故以為辱

子姑先

乎乃代之殿衛殺馬於隘以塞道

恨二子故塞其道欲使晉得之

晉州

綽及之射殖綽中肩兩矢夾脰

脰頸也

曰止將為三軍獲

不止將取其衷

不止復欲射兩矢中央

顧曰為私誓州綽曰有如

日言必不殺女明如日

乃弛弓而自後縛之

反縛之

其右具丙

州綽之右

亦舍兵而縛郭最皆衿甲面縛

衿甲不解甲

坐於中軍之鼓

下晉人欲逐歸者魯衛請攻險

險固城守者

已卯荀偃士匄

以中軍克京茲

在平陰城東南

乙酉魏絳欒盈以下軍克邾

樂

死其子盈位下軍平陰西有邾山

趙武韓起以上軍圍盧弗克十二月

戊戌及秦周伐雍門之萩

秦周魯大夫趙武及之共伐萩也雍門齊城門

范鞅

門于雍門其御追喜以戈殺犬于門中

殺犬示間暇

孟莊子

斬其楛以為公琴

莊子孺子速楛木名

己亥焚雍門及西郭南郭

劉難士弱率諸侯之師焚申池之竹木

二子晉大夫

壬寅焚

東郭北郭范鞅門于揚門

齊西門

州綽門于東閭

齊東門

左

駢迫還于門中以枚數闔

枚馬楹也闔門扇也數其板示不恐

齊侯駕將

走郵棠

郵棠齊邑

太子與郭榮扣馬

太子光也榮齊大夫

曰師速而疾

畧也

言欲畧行其地無久攻意

將退矣君何懼焉且社稷之主不可

以輕輕則失衆君必待之將犯之太子抽劔斲鞅乃止

甲辰東侵及濰南及沂

濰水在東莞東北至北海都昌縣入海沂水出東莞蓋縣至下

泗邳入

是月楚公子午帥師伐鄭初鄭子孔欲去諸大夫

欲專權

將叛晉而起楚師以去之使告子庚子庚弗許

子庚楚令尹公

子楚子聞之使揚豚尹宜告子庚曰國人謂不穀主社

稷而不出師死不從禮

不能承先君之業死將不得從先君之禮

大夫圖之

其若之何子庚歎曰君王其謂午懷安乎吾以利社稷

也帥師治兵于汾

襄城東北有汾丘城

於是子蟠伯有子張從鄭伯

伐齊

子張公孫黑肱

子孔子展子西守二子知子孔之謀

二子子展

西子完守入保子孔不敢會楚師楚師伐鄭次于魚陵

魚齒山也在南陽驪縣北鄭地

右師城上棘遂涉潁次于旃然

將涉潁故於水

邊權築小城以為進退之備旃然水出滎陽成皋縣東入汴

為子馮公子格率銳師

侵費滑胥靡獻于雍梁

胥靡獻于雍梁皆鄭邑河南陽翟縣東北有雍氏城

右回

梅山

在滎陽密縣東北

侵鄭東北至于蟲牢而反子庚門于純

門信于城下而還

信再宿

涉于魚齒之下

魚齒山之下有渚水故言涉

甚雨及之楚師多凍役徒幾盡

十九年二月晉欒魴帥師從衛孫文子伐齊

欒魴樂氏族

七月晉士匄帥師侵齊至穀聞齊侯卒乃還

二十年秋孟莊子伐邾以報之

既盟而又伐之非

初邾人驟至

以諸侯之事弗能報也

驟數也謂十五年十七年伐魯

二十三年秋齊侯伐衛先驅穀榮御王孫揮召揚為右

先驅前申驅次申驅成秩御莒恒申鮮虞之傅摯為右前軍傅

摯申鮮虞之子曹開御戎晏父戎為右公御貳廣上之登御邢

公盧蒲癸為右貳廣公副車啓牢成御襄罷師狼遽疏為右

左翼曰啓肱商子車御侯朝桓跳為右右翼大殿商子游御

夏之御寇崔如為右大殿後軍燭庸之越四乘車四人共乘殿

此言莊公廢舊臣任武力自衛將遂伐晉晏平仲曰君恃勇力以伐

盟主若不濟國之福也不德而有功憂必及君崔杼諫

曰不可臣聞之小國間大國之敗而毀焉必受其咎君

其圖之弗聽陳文子見崔武子

文子陳完之孫須無武子崔杼也

曰將

如君何武子曰吾言於君君弗聽也以為盟主而利其

難羣臣若急君於何有

言有急不能顧君欲殺之以說晉

子姑止之文

子退告其人曰崔子將死乎謂君甚而又過之

殺君之惡過於

背盟主

不得其死過君以義猶自抑也况以惡乎

自抑損

齊

侯遂伐晉取朝歌

朝歌今屬汲郡

為二隊入孟門登太行

二隊分兵

為二部孟門晉隘道太行山在河內郡北

張武軍於熒庭

張武軍築壘壁熒庭晉地

戍邴

邵取晉邑封少水

封晉尸於少水以為京觀

以報平陰之役乃還陰

平

後在十
八年趙勝帥東陽之師以追之獲晏髦趙勝趙旃之子東陽晉之

山東魏郡廣平以八月叔孫豹帥師救晉次于雍榆禮

也救盟主冬齊侯還自晉不入國遂襲莒門于且于

且于傷股而退明日將復戰期于壽舒壽舒莒地杞殖華還

載甲夜入于且于之隧宿於莒郊二子齊大夫隧狹路明日先遇

莒子於蒲侯氏蒲侯氏近莒之邑莒子重賂之使無死曰請有

盟華周對曰華周即華還貪貨棄命亦君之所惡也莒子親

鼓之從而伐之獲杞梁梁即杞殖莒人懼行成勝大國益懼故行成

二十四年春仲孫羯帥師侵齊

夏楚子為舟師以伐吳

舟師水軍

不為軍政

不設賞罰之差

無功而

還

為下吳召舒鳩起本

秋齊崔杼帥師伐莒初齊侯聞將有晉師使陳無宇從

遂啓疆如楚辭且乞師

辭有晉師未得相見

崔杼帥師送之遂伐

莒侵介根

介根莒邑

冬楚子蔡侯陳侯許男伐鄭以救齊門于東門次于棘

澤

以齊無宇乞師故

二十五年春齊崔杼伐我北鄙以報孝伯之師也

前年魯使

孟孝伯為

晉伐齊

六月壬子鄭公孫舍之帥師入陳初陳侯會楚子伐鄭

在前當陳隧者井堙木刊

隧陁也堙塞也刊除也

鄭人怨之使子

展子產帥車七百乘伐陳宵突陳城

突穿也

遂入之陳侯

扶其太子偃師奔墓

欲逃冢間

遇司馬桓子曰載余

陳之司馬

曰

將巡城

不欲載公以巡城辭

遇賈獲

賈獲陳大夫

載其母妻下之而授

公車公曰舍而毋辭曰不祥

雖急猶不欲男女無別

與其妻扶其

毋以奔墓亦免于展命師無入公宮與子產親御諸門

欲服之而已
故禁侵掠

陳侯使司馬桓子賂以宗器陳侯免擁社

免喪服擁社
抱社主亦服

使其衆男女別而繫以待於朝

繫自因係
以待命

子展執紼而見

見陳侯

再拜稽首承飲而進獻

承飲奉觴
示不失臣

敬子美入數俘而出

子美子產也但數其所獲人數不將以歸

祝祓社司徒

致民司馬致節司空致地乃還

祓除也節兵符陳亂故
正其衆官修其所職以

安定之
乃還也

秋楚屈建帥師滅舒鳩

冬鄭公孫夏帥師伐陳陳及鄭平

前雖入陳服之而已故更伐以結成

十有二月吳子遏

遏諸樊也

伐楚以報舟師之役

舟師在二十四年

門于巢

二十六年二月衛人侵戚東鄙

以孫林父叛故

孫氏愬于晉

戍茅氏

茅氏戚東鄙

殖綽伐茅氏殺晉戍三百人孫蒯

蒯林父子

追之敗之圍雍鉏獲殖綽

雍鉏孫氏臣

復愬于晉

為下晉討衛張本

夏楚子秦人侵吳及雩婁聞吳有備而還

雩婁縣今屬安堂郡

遂

侵鄭

五月至于城麋鄭皇頡戍之

皇頡鄭大夫守城麋之邑

出與楚師戰

敗穿封戍囚皇頡

六月公會晉趙武宋向戍鄭良霄曹人于澶淵以討衛

疆戚田

正戚之封疆

取衛西鄙懿氏六十以與孫氏

冬楚子蔡侯陳侯伐鄭初許靈公如楚請伐鄭

十六年晉伐許

他國皆大夫獨鄭伯自行故許志欲以報之

曰師不興孤不歸矣

八月卒于楚楚子曰不伐鄭何以求諸侯

十月伐鄭

為許

十二月乙酉入南里墮其城

南里鄭邑

涉於樂

氏樂氏門於師之梁

鄭城門

縣門發獲九人焉涉於汜而

歸

於汜城下涉汝水南歸

而後葬許靈公

卒靈公之志而後葬之

昭公元年三月季武子伐莒取鄆

兵未加莒而鄆服故言取

四年秋七月楚子蔡侯陳侯許男頓子胡子沈子淮夷

伐吳宋太子鄭伯先歸

時晉之屬國皆歸獨言二國者鄭伯久於楚宋太子不得見故

憇遣之

宋華費遂鄭大夫從

從伐吳以答見憇

使屈申圍朱方

朱方

其邑齊慶封所封也屈申屈蕩之子

八月甲申克之執齊慶封而盡滅其

族

慶封以襄二十八年奔吳

遂以諸侯滅賴賴子面縛銜璧士袒輿

櫬從之造於中軍

中軍王所將

王問諸椒舉對曰成王克許

在傳

六年許僖公如是王親釋其縛受其璧焚其櫬王從之

從舉

言 遷賴于鄆

鄆楚邑

九月取鄆

鄆莒邑

莒亂著丘公立而

不撫鄆鄆叛而來

著丘公去疾也

冬吳伐楚入棘櫟麻

棘櫟麻皆楚東鄆邑譙國鄆縣東北有棘亭汝陰新蔡縣東北有櫟

亭以報朱方之役

朱方役在此年秋

楚沈尹射奔命於夏洳

夏洳

漢水曲入江今夏口也吳兵在東北楚盛兵在東南以絕其後

箴尹宜咎城鍾離

宜咎本陳

大夫襄二十四年奔楚

遂啓疆城巢然丹城州來

然丹鄭穆公孫襄十九年奔楚

東國水不可以城彭生罷賴之師

彭生楚大夫罷關韋施城賴之師

五年秋莒人來討初莒牟夷以牟婁及防茲來奔

城陽平昌

縣西南有防亭姑幕縣東北有茲亭

莒人愬于晉

愬魯受牟夷

晉侯欲止公范

獻子曰不可人朝而執之誘也討不以師而誘以成之

情也為盟主而犯此二者無乃不可乎請歸之間而以

師討焉

閒暇也

乃歸公七月公至自晉莒人來討不設備

戊辰叔弓敗諸蚡泉莒未陳也

冬十月楚子蔡侯陳侯許男頓子沈子徐人越人及東

夷伐吳以報棘櫟麻之役

役在四年

遂射以繁揚之師會于

夏汭

會楚子

越大夫常壽過帥師會楚子於瑣

瑣楚地

聞吳

師出遂啓疆帥師從之

從吳師也

遽不設備吳人敗諸鵲岸

廬江舒縣有鵲尾渚

楚子以驛至于羅汭

驛傳也羅水名

吳子使其弟蹶

繇犒師

犒勞

楚人執之將以釁鼓王使問焉曰汝卜來吉

乎對曰吉寡君聞君將治兵於敝邑卜之以守龜曰余

亟使人犒師請行以觀王怒之疾徐而為之備尚克知

之

言吳卜龜如此

龜兆告吉曰克可知也君若驩焉好逆使臣

茲敝邑倦怠

休解也

而忘其死亡無日矣今君奮馬震電

馮怒

馮盛也

虐執使臣將以鑿鼓則吳知所備矣敝邑雖

羸若早脩完

完器備

其可以息師

息楚之師

難易有備可謂吉

矣且吳社稷是卜豈為一人使臣獲鑿軍鼓而敝邑知

備以禦不虞其為吉孰大焉國之守龜其何事不卜

言嘗

卜一臧一否其誰能常之城濮之兆其報在邲

城濮戰楚卜吉

其效乃在邲

今此行也其庸有報志

言吳有報楚意

乃弗殺楚師濟

於羅汭沈尹赤會楚子次于萊山遂射帥繁揚之師先

入南懷楚師從之及汝清南懷汝清皆楚界吳不可入有備楚子

遂觀兵於坻箕之山觀示也是行也吳早設備楚無功而

還以蹶繇歸楚子懼吳使沈尹射待命于巢遂啓疆待

命于霄婁禮也善有備

六年秋楚遠罷帥師伐吳初徐儀楚聘於楚儀楚徐大夫楚

子執之逃歸懼其叛也使遂洩伐徐遂洩楚大夫吳人救之

令尹子蕩帥師伐吳師于豫章而次于乾谿乾谿在譙國城父縣

南楚東竟吳人敗其師於房鍾房鍾吳地獲宮廐尹棄疾關韋龜之父

子蕩歸罪於遂洩而殺之

十一月齊侯伐北燕將納簡公

簡公北燕伯三年出奔齊

晏子曰不

入燕有君矣民不貳吾君賄左右諂諛作大事不以信

未嘗可也

明年暨齊平

八年九月楚公子棄疾帥師奉孫吳圍陳

孫吳悼太子偃師子惠公

宋戴惡會之

戴惡宋大夫

十一月壬午滅陳

十年秋七月季孫意如叔弓仲孫矍帥師伐莒

三大夫皆卿季

孫為主二子從之

取鄭

鄭莒邑

十一年夏四月楚公子棄疾帥師圍蔡

傳言楚子無道

晉人使

狐父請蔡于楚弗聽

狐父晉大夫

冬十一月丁酉楚師滅蔡執蔡世子有以歸用之

用之殺以

祭山

十二年春齊高偃帥師納北燕伯欵于陽

三年燕伯出奔齊高偃齊

大夫陽即唐燕別邑

因其衆也

言因唐衆欲納之故得先入唐

冬十月楚子狩于州來

狩冬獵也

次于潁尾

潁水之尾在下蔡西

使蕩

侯潘子司馬督囂尹午陵尹喜帥師圍徐以懼吳

五子楚大

夫徐吳與國故圍之以偏吳

楚子次于乾谿

在譙國城父縣南

以為之援是

冬晉伐鮮虞因肥之役也

肥役在此年

十三年春叔弓帥師圍費弗克敗焉

為費人所敗

夏楚師還自徐

前年圍徐之師

吳人敗諸豫章獲其五帥

定二年楚

人伐吳師于豫章而潛師于巢以軍楚師於豫章又栢舉之役吳人捨舟于淮汭而自豫章與楚夾漢此皆當在江北淮水南蓋後徙在江南豫章

十月吳滅州來

楚邑

令尹子旗請伐吳王弗許曰州來在

吳猶在楚也子姑待之

十五年秋晉荀吳帥師伐鮮虞圍鼓三月鼓人或請降使其民見曰猶有食色姑脩而城鼓人告食竭力盡而後取之克鼓而反不戮一人以鼓子戴鞮歸

十六年春正月齊侯伐徐二月丙申齊師至于蒲隧

十七年秋晉侯使屠蒯如周請有事於雒與三塗

屠蒯晉侯

之膳宰也以忠諫見進雒水也三塗山名在陸渾南

莒弘謂劉子曰客容猛非祭

也其伐戎乎陸渾氏甚睦於楚必是故也君其備之乃

警戎備

警戎以備戎欲因晉以合勢

九月丁卯晉荀吳帥師涉自棘津

河津水名

使祭史先用牲

于雒陸渾人弗知師從之庚午遂滅陸渾數之以其貳

於楚也陸渾子奔楚其衆奔甘鹿

甘鹿周地

周大獲

先警戎備故獲

宣子夢文公攜荀吳而授之陸渾故使穆子帥師獻俘

於文宮

欲以應夢

冬吳伐楚楚陽句為令尹卜戰不吉

陽句穆王曾孫令尹子瑕

司馬

子魚曰我得上流何故不吉

子魚公子鮒也順江而下易用勝敵

且楚故

司馬令龜我請改卜令曰鮒也以其屬死之楚師繼之

尚大克之吉

得吉兆

戰于長岸子魚先死楚師繼之大敗

吳師獲其乘舟餘皇

餘皇舟名

使隨人與後至者守之環而

塹之及泉

環周也

盈其隧炭陳以待命

隧出八道

吳公子光

光諸

樊子闔廬

請於其衆曰喪先王之乘舟豈唯光之罪衆亦有

焉請藉取之以救死

藉衆之力以取舟

衆許之使長鬣者三人

長鬣多鬚與吳人異狀詐為楚人

潛伏於舟側曰我呼餘皇則對師夜

從之

師吳師也

三呼皆迭對

迭更也

楚人從而殺之楚師亂吳

人大敗之取餘皇以歸

傳言吳光有謀

十八年六月邠人藉稻

邠姓國今琅邪開陽縣其君自出藉稻蓋履行之

邠人

襲邠邠人將閉門邾人羊羅攝其首焉

斬得閉門者頭

遂入之

盡俘以歸邠子曰余無歸矣從帑於邾邾莊公反邠夫

人而舍其女邠夫人宋向戌之女也故向寧請師

寧向戌子

也請於宋

公伐邾

十九年二月宋公伐邾圍蟲三月取之

蟲邾邑

乃盡歸邠

俘

秋齊高發帥師伐莒

莒不事齊故

莒子奔紀鄆

紀鄆莒邑也東海賴榆縣

東北有紀城

使孫書伐之

孫書陳無字之子子占也

初莒有婦人莒子殺

其夫已為嫠婦

寡婦為嫠

及老託於紀郭紡焉以度而去之

因紡纏連所紡以度城而藏之以待外攻者欲以報讐

及師至則投諸外

投繩城外隨之

而或獻諸子占子占使師夜緇而登

緣繩登城

登者六十人

緇絕師鼓譟城上之人亦譟莒共公懼啓西門而出七

月丙子齊師入紀

傳言怨不在大

二十一年冬十月丙寅齊師宋師敗吳師于鴻口

梁國睢陽

縣東有鴻口亭初宋元公惡華向而攻之華登奔吳

登費遂之子黨華向

者明年以吳師救華氏齊烏枝鳴戍宋烏枝鳴齊之大夫廚人

濮曰濮宋廚邑大夫軍志有之先人有奪人之心後人有待其

衰盍及其勞且未定也伐諸若入而固則華氏衆矣悔

無及也從之丙寅敗吳于鴻口獲其二帥公子苦雒偃

州員二帥吳大夫華登帥其餘其餘師以敗宋師厨人濮以裳

裹首荷以走曰得華登矣遂敗華氏于新里華氏所取邑十

一月癸未公子城以晉師至城以前年奔晉今還救宋曹翰胡曹大夫

會晉荀吳中行穆子齊苑何忌齊大夫衛公子朝前年春奔晉今還衛救

宋丙戌與華氏戰于赭丘宋地鄭翩願為鶴其御願為鷩

鄭翩華氏黨子祿御公子城莊莖為右子祿向宜子擊御呂

封人華豹張句為右呂封人華豹華氏黨相遇城還華豹曰城也

城怒而反之怒其呼已將注豹則關矣注傳天關引弓曰平公

之靈尚輔相余平公公子城之父豹射出其間出于城子祿之間將注

則又關矣曰不狎鄙狎更也抽矢豹止不射城射之殪豹死張句

抽矢而下艾長丈二在車邊射之折股扶伏而擊之折軫折城車軾

又射之死死子擊請一矢求城曰余言女於君欲活對

曰不死伍乘軍之大刑也

同乘共伍當皆死

干刑而從子君焉

用之子速諸乃射之殪

殪又死

大敗華氏圍諸南里華亥

搏膺而呼見華軀曰吾為樂氏矣

晉樂盈遂入作亂而死

二十二年春王二月甲子齊北郭啓帥師伐莒

啓齊大夫北郭

佐之後

莒子將戰死羊牧之諫

牧之莒大夫

曰齊帥賤其求不

多不如下之大國不可怒也弗聽敗齊師于壽餘

莒地齊

侯伐莒

怒敗

莒子行成司馬竈如莒涖盟

竈齊大夫

六月晉襲鼓初晉之取鼓也

在十五年

既獻而反鼓子焉

獻于

廟又叛于鮮虞

叛音屬
鮮虞

六月荀吳畧東陽

畧行也東陽
晉之山東邑

使師偽糶者負甲息于昔陽之門外遂襲鼓滅之以鼓

子戴鞮歸使涉佗守之

守鼓之地涉
佗晉大夫

二十三年七月吳人伐州來楚遂越師師

今尹以疾從
戎故遂越攝

其及諸侯之師奔命救州來吳人禦諸鍾離子瑕卒楚

師燔

子瑕即令尹不起所疾也吳楚之間謂火滅
為燔軍之重主喪亡故其軍人無復氣勢

吳公

子光曰諸侯從於楚者衆而皆小國也畏楚而不獲已

是以來吾聞之曰作事威克其愛雖小必濟

克勝也軍
事尚威

胡沈之君幼而狂

狂無常

陳大夫鬲壯而頑頓與許蔡疾

楚政楚令尹死其師燔帥賤多寵政令不一

帥賤蓬越非正卿也

軍多寵人政令不一於越

七國同役而不同心

七國楚頓胡沈蔡陳許

帥賤而

不能整無大威命楚可敗也若分師先以犯胡沈與陳必先奔三國敗諸侯之師乃搖心矣諸侯乖亂楚必大

奔請先者去備薄威

示之以不整誘之

後者敦陳整旅

敦厚也吳

子從之戊辰晦戰于雞父

七月二十九日違兵忌晦戰擊楚所不意

吳子以

罪人三千先犯胡沈與陳

因徒不習戰以示不整

三國爭之吳為

三軍以繫於後中軍從王

從吳王

光帥右掩餘帥左

掩餘吳王

壽夢子

吳之罪人或奔或止三國亂吳師擊之三國敗獲

胡沈之君及陳大夫舍胡沈之囚使奔許與蔡頓曰吾

君死矣師謀而從之三國奔

三國許蔡頓

楚師大奔

二十四年冬吳滅巢

楚邑

初楚子為舟師以略吳疆

畧行也

吳界將侵之

沈尹戌曰此行也楚必亡邑不撫民而勞之吳

不動而速之

連召也

吳踵楚

躡楚踵跡

而疆場無備邑能無亡

乎越大夫胥犴勞王於豫章之汭

汭水

越公子倉歸王

乘舟

歸道也

倉及壽夢帥師從王

壽夢越大夫

王及圍陽而還

圍陽楚地

吳人踵楚而邊人不備遂滅巢及鍾離而還

鍾離不書

告敗

沈尹戌曰亡郢之始於此在矣王壹動而亡二姓

之帥

二姓之帥守巢鍾離大夫

幾如是而不及郢詩曰誰生厲階至

今為梗

詩大雅厲惡階道梗病也

其王之謂乎

二十五年十二月庚辰齊侯取郟

公為季氏所逐齊取郟以居公

二十六年夏齊侯將納公使公子鉏帥師從公

鉏齊大夫

成

大夫公孫朝謂平子曰有都以衛國也請我受師許之

以成邑
禦齊師

請納質疑

恐見

弗許曰信女足矣告於齊師曰孟

氏魯之敝室

也

用成已甚弗能忍也請息肩于齊

孫公

朝詐齊師言欲降使來取成

齊師圍成成人伐齊師之飲馬于淄者

曰將以厭衆

以厭衆心不欲使知已降也淄水出泰山梁父縣西北入汶

魯成備而

後告曰不勝衆

告齊言衆不欲降已不能勝

師及齊師戰于炊鼻季氏

師距公非公命則不書炊鼻魯地

齊子淵捷從洩聲子

聲子魯大夫

射之中

楯瓦

脊 瓦 楯

繇胸汰輻七入者三寸

入楯瓦也胸車輓輻車轆繇過也七矢鏃

聲子射其馬斬鞅殪也

殪死

改駕人以為駸戾也而助之

人魯人也驪戾叔孫氏司馬

子車曰齊人也

子車即淵捷

將擊子車子車

射之殪其御曰又之

又欲使射餘人

子車曰衆可懼也而不可

怒也子囊帶從野洩叱之

囊帶齊大夫野洩即聲子

洩曰軍無私怒

報乃私也將亢子

欲以公戰禦之不欲私報其叱

又叱之

子囊復叱之

亦叱

之

野洩亦叱之言齊無戰心但相叱

冉豎射陳武子中手

冉豎季氏臣

失弓

而罵武子

以告平子曰有君子白皙鬢鬚眉甚口平子

曰必子疆也無乃亢諸

子疆武子字

對曰謂之君子何敢亢

之

偽言不敢違季氏

林雍羞為顏鳴右下

皆魯人羞為右故下車戰

苑何忌

取其耳

何忌齊大夫不欲殺
雍但截其耳以辱之

顏鳴去之

其右見獲
懼而去之

苑子

之御曰視下顧

復欲使苑
子擊其足

苑子刺林雍斷其足鑿而乘

于他車以歸

鑿一
足行

顏鳴三入齊師呼曰林雍乘

言魯人
皆致力

於季氏不以
私怨而相棄

二十七年春吳子欲因楚喪而伐之

前年楚
平王卒

使公子掩

餘公子燭庸帥師圍潛

二于皆王僚母弟潛楚
邑在廬江六縣西南

楚莠尹

然工尹麋帥師救潛

二尹楚官
然鹿其名

左司馬沈尹戌帥都君

子與王馬之屬以濟師

都君子在都邑之士有復除者
王馬之屬王養馬官屬校人也

濟益也與吳師遇于窮令尹子常以舟師及沙汭而還沙水

名左尹郤宛工尹壽帥師至于潛吳師不能退

三十年冬十二月吳滅徐初吳子使徐人執掩餘使鍾

吾人執燭庸二十七年奔故二公子奔楚楚子大封而定其徙

大封與土田定其所徙之居使監馬尹大心逆吳公子使居養二子奔楚

楚使逆之子竟也養即所封之地莠尹然左司馬沈尹戍城之城取於

城父與胡田以與之胡田故胡子之地將以害吳也子西諫曰

吳光新得國而親其民視民如子辛苦同之將用之也

若好吳邊疆使柔服焉猶懼其至

柔服謂不與吳構怨

吾又強其

讐以重怒之無乃不可乎

讐謂二公子

吳周之胄裔也而棄

在海濱不與姬通今而始大比於諸華光又甚文將自

同于先王

先王謂太王王季亦自西戎始比諸華

不知天將以為虐乎使

翦喪吳國而封大異姓乎其抑亦以祚吳乎其終不遠

矣

言其行事可知不久

我盍姑億吾鬼神

億安也

而寧吾族姓以待

其歸

善惡之歸

將焉用自播揚

播揚猶勞動也

王弗聽吳子怒執鍾

吾子遂伐徐防山以水之

防壅山水以灌徐

已卯滅徐徐子章

禹斷其髮

斷髮自刑示懼

携其夫人以逆吳子吳子唁而送之

使其邇臣從之遂奔楚

邇近也

楚沈尹戌帥師救徐弗及

遂城夷使徐子處之

夷城父也

吳子問於伍員曰初而言伐

楚

在十年

余知其可也而恐其使余往也又惡人之有余

之功也今余將自有之矣伐楚何如對曰楚執政衆而

乖莫適任患若為三師以肄焉

肄猶勞也

一師至彼必皆出

彼出則歸彼歸則出楚必道敝

罷敝於道

亟肄以罷之

亟數也

多方以誤之既罷而後以三軍繼之必大克之闔廬從

之楚於是乎始病

定四年
吳入楚

三十一年秋吳人侵楚伐夷侵潛六

皆楚
邑

楚沈尹戌帥

師救潛吳師還楚師遷潛於南岡而還吳師圍弦左司

馬戍右司馬稽帥師救弦及豫章

左司馬
沈尹戌

吳師還始用

子胥之謀也

謀在
前年

三十二年夏吳伐越始用師於越也


自此之前雖疆事
小爭未嘗用大兵

史墨曰不及四十年越其有吳乎

存亡之數不過三紀
歲星三周三十六歲

故曰不及四十年哀二十二
年越滅吳至此三十八歲
越得歲而吳伐之必受其凶

此年歲在星紀星紀吳越之分也歲星
所在其國有福吳先用兵故反受其殃



冊府元龜卷二百四十九

欽定四庫全書

子部

冊府元龜卷二百五十一

詳校官中書臣王鵬

員外郎臣牛稔文覆勘

總校官庶吉士臣何思鈞

校對官修撰臣吳錫齡

謄錄監生臣王秉鈞

欽定四庫全書

冊府元龜卷二百五十

宋 王欽若等 撰

列國君部

攻伐第三

定公二年四月桐叛楚

桐小國廬江舒縣西南有桐鄉

吳子使舒鳩氏

誘楚人

舒鳩楚屬

曰以師臨我

教舒鳩誘楚使以師臨吳

我伐桐為我使

之無忌

吳伐桐也偽若畏楚師之臨已而為伐其叛國以取媚者也欲使楚不忌吳所謂多方以誤之

秋楚囊瓦伐吳師于豫章

從舒鳩言

吳人見舟于豫章

偽將為楚

伐桐而潛師于巢

實欲以擊楚

冬十月吳軍楚師于豫章敗之

楚不

遂圍巢克之獲楚公子繁

繁守巢大夫

三年秋九月鮮虞人敗晉師于平中

平中晉地

獲晉觀虎恃

其勇也

為五年士鞅圍鮮虞張本

四年春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小邾子

齊國夏于召陵侵楚

於召陵先行會禮入楚境

夏四月庚辰蔡公孫姓帥師滅沈以沈子嘉歸殺之沈

人不曾于召陵晉人使蔡伐之

秋楚圍蔡爲沈故晉士鞅衛孔圉帥師伐鮮虞

孔圉孔
羈孫士

鞅即
范鞅

冬十一月庚午蔡侯以吳子及楚人戰于柘舉

楚地

庚辰

吳入郢初伍員爲吳行人以謀楚楚之殺卻宛也

在昭
二十

七年伯氏之族出卻宛伯州犂之孫詬爲吳太宰以謀楚

楚自昭王即位無歲不有吳師蔡侯因之以其子乾與
其大夫之子爲質於吳冬蔡侯吳子唐侯伐楚舍舟于

淮汭

吳乘舟從淮來過蔡而舍之

自豫章與楚夾漢

豫章漢東江北地名

左司

馬戍謂子常曰子汭漢而與之上下

汭緣也緣漢上下遊使勿渡

我

悉方城外以毀其舟

以方城外人毀吳所舍舟

還塞大隧直轅冥阨

二者漢東之隘道

子濟漢而伐之我自後擊之必大敗之既謀

而行武城黑謂子常

黑楚武城大夫

曰吳用木也我用革也不

可久也不如速戰史皇謂子常楚人惡子而好司馬

楚大夫司馬沈尹戍

若司馬毀吳舟于淮塞城口而入

城口三隘道之總名

是獨克吳也子必速戰不然不免乃濟漢而陳自小別

至于大別

二別在江夏界

三戰子常知不可欲奔

知吳不可勝

史皇

曰安求其事

求知政事

難而逃之將何所入子必死之初罪

必盡說十一月庚午二師陳于柘舉闔廬之弟夫槩王

晨請於闔廬曰楚瓦不仁

瓦子常名

其臣莫有死志先伐之

其卒必奔而後大師繼之必克弗許夫槩王曰所謂臣

義而行不待命者其此之謂也今日我死楚可入也以

其屬五千先擊子常之卒子常之卒奔楚師亂吳師大

敗之子常奔鄭史皇以其乘廣死

史皇以戰死

吳從楚師及

清發

水名

將擊之夫槩王曰困獸猶鬪况人乎若知不免

而致死必敗我若使先濟者知免後者慕之蔑有鬪心

矣半濟而後可擊也從之又敗之楚人爲食吳人及之

奔食而從之敗諸雍澁五戰及郢

奔食食者走不陳故不在戰數

已卯

楚子取其妹季芊畀我以出涉睢

睢水出新城昌魏縣東南至枝江縣入江

鍼尹固與王同舟王使執燧象以奔吳師

燒火燧擊象尾使赴吳師

驚却

之 庚辰吳入郢以班處宮

以尊卑班次處楚王宮室

子山處令尹

之宮

子山吳王子

夫槩王欲攻之懼而去之夫槩王入之令

入

尹宮也言吳無禮所以不能遂克

左司馬戍及息而還

息汝南新息縣聞楚敗故還

敗吳師于雍滋傷

司馬先敗吳師而身被創

初司馬臣闔廬故耻爲

禽馬

司馬嘗在吳爲闔閭臣

謂其臣曰誰能免吾首吳句卑曰臣

賤可乎司馬曰我實失子可哉

失不知子賢

三戰皆傷曰吾

不可用也已句卑布裳剄而裹之

司馬已死到取其首

藏其身而

以其首免

傳言司馬之忠壯

楚子涉睢濟江入于雲中

入雲夢澤中

王寢盜攻之以戈擊王王孫由余以背受之中肩王奔

鄖鍾建負季芊以從由余徐蘇而從

以背受戈故當時悶絕

鬪辛

與其弟巢以王奔隨吳人從之謂隨人曰周之子孫在

漢川者楚實盡之天誘其衷致罰於楚而君又竄之

竄也

也周室何罪君若願報周室施及寡人以獎天衷

獎成也

君之患也漢陽之田君實有之楚子在公宮之北

隨公宮也

吳人在其南子期似王

子期昭王兄
公子結也

逃王而已為王曰以

我與之王必免隨人卜與之不吉乃辭吳曰以隨之辟

小而密邇於楚楚實存之世有盟誓至于今未改若難

而棄之何以事君執事之患不唯一人

一人楚王

若鳩楚竟

敢不聽命吳人乃退

鳩安集也

鑪金初宦於子期氏實與隨

人要言

要言無以楚王與吳并欲脫子期

王使見辭曰不敢以約爲利

此約爲要言也

王割子期之心以與隨人盟

當心前割取血以盟示其志也

五年六月申包胥

楚大夫

以秦師至秦子蒲子虎帥車五

百乘以救楚

五百乘三萬七千五百人

子蒲曰吾未知吳道

道猶法術使

楚人先與吳人戰而自稷會之大敗夫槩王于沂

稷沂皆楚

地吳人獲遠射于栢舉

遠射楚大夫

其子帥奔徒

奔徒楚散卒

以

從子西敗吳師于軍祥

楚地

秋七月子期子蒲滅唐

從吳伐楚故

九月夫槩王歸自立也

以與王戰而敗

自立為吳王號夫槩

奔楚為堂谿氏

傳終言之

吳師敗

楚師于雍澁秦師又敗吳師吳師居麋

麋地名

子期將焚之子

西曰父兄親暴骨馬不能收又焚之不可

前年楚人與吳戰多死麋

中言不可并焚

子期曰國亡矣死者若有知也可以歆舊祀

言焚

吳復楚則祭祀不廢

豈憚焚之焚之而又戰吳師敗又戰于公塔

之谿

楚地名

吳師大敗吳子乃歸囚圍輿罷圍輿罷請先

遂逃歸

輿罷楚大夫請先至吳而逃歸言吳唯得楚一大夫復失之所以不克

楚子入于

郟

吳師已歸

冬晉士鞅圍鮮虞報觀虎之敗也

三年鮮虞獲晉觀虎

六年正月癸亥鄭游速帥師滅許以許男斯歸

游速太子叔子

因楚敗也

二月公侵鄭取長垣

鄭地名

為晉討鄭之伐胥靡也

胥靡周地

也周儋翩因鄭人以作亂鄭為之伐胥靡故晉使魯討之

四月己丑吳太子終纍敗楚舟師

終纍閩廬子夫差兄舟師水戰

獲潘

子臣小惟子

二子楚舟師之帥

及大夫七人楚國大惕懼亡子

期又以陵師敗于繁揚

陵師陸軍

冬季孫斯仲孫忌帥師圍郚

何忌不言何闕文郚武子齊故國之

七年秋齊人執衛行人北宮結以侵衛初齊侯鄭伯盟

于鹹徵會于衛衛侯欲叛晉

屬齊鄭也

諸大夫不可使北宮

結如齊而私于齊侯曰執結以侵我

欲以齊師懼諸大夫

齊侯從

之乃盟于瑣

瑣即沙也

是秋齊國夏帥師伐我西鄙

夏國佐孫

陽虎御季桓子公斂

處父御孟懿子

處父孟氏家臣成宰公斂陽

將宵軍齊師齊師聞之

墮伏而待之

墮毀其軍以誘敵而設伏兵

處父曰虎不圖禍而必死

而汝

苦夷曰虎陷二子于難

苦夷季氏家臣二子季孟

不待有司余

必殺汝虎懼乃還不敗

八年春王正月公侵齊

報前年代我西鄙

門于陽州

攻具門

士皆

坐列

言無闕志

曰顏高之弓六鈞皆取而傳觀之陽州人出

顏高奪人弱弓籍丘子鉏擊之與一人俱斃

子鉏齊人斃仆也

偃且射子鉏中頰墮

子鉏死

顏息射人中眉

顏息魯人

退曰我

無勇吾志其目也

以自矜

師退冉猛偽傷足而先

猛魯人欲先歸

其兄會乃呼曰猛也殿

會見師退而猛不在列乃詐言殿也

二月公侵齊

未得志故

攻廩丘之郭

郭郭也

主人焚衝

衝戰車

或

濡馬褐以救之

馬褐馬衣

遂毀之

毀郭

主人出師奔

攻郭人少故遣後師

走往

陽虎偽不見冉猛者曰猛在此必敗

陽州之役猛先歸言若在

此必復敗

猛逐之顧而無繼偽顛

逐廩丘人

虎曰盡容氣也

言皆容氣

非勇

夏齊國夏高張伐我西鄙

報上二侵

晉士鞅趙鞅荀寅救我

公會晉師于瓦

瓦衛地東郡燕縣東北有瓦亭

九年六月伐陽關

討陽虎也

陽虎使焚萊門

陽關邑門

師驚犯之而

出奔齊秋齊侯伐晉夷儀

為衛討也

救無存之父將室之辭

以與其弟

無存齊人室之為取婦

曰此役也不死反必娶于高國

高氏國氏齊貴族也

先登求自門出死于雷下

既入城夷儀人不服故闔死于門屋

雷東郭書讓登

登城非人所樂故讓求使後而已先登也

犂彌從之曰子讓

而左我讓而右使登者絕而後下

恐書先下故又講以讓之下入城也書

左彌先下

書從彌言左彌遂自先下亦讓也

書與王猛息

戰訖共止息

猛曰

我先登書欽甲曰曩者之難今又難焉

欽甲起欲擊猛

猛笑曰

吾從子如驂之靳

靳車中馬也言已從書如驂馬 晉車之隨靳傳言齊師和所以能克

千乘在中牟

救夷儀也今滎陽有中牟縣迴遠疑非也

衛侯將如五氏

齊侯在五

氏將往助之

卜過之龜焦

衛至五氏道過中牟畏晉故卜龜焦兆不成不可以行事也

衛

侯曰可也衛車當其半寡人當其半敵矣

衛侯怒晉甚不復顧卜欲

以身當五百乘

乃過中牟中牟人欲伐之衛褚師圃亡在中

牟曰衛雖小其君在焉未可勝也齊師克城而驕其帥

又賤

城謂夷儀也帥謂東郭也

遇必敗之不如從齊乃伐齊師敗之

獲齊車五百乘

齊侯致糕媚杏于衛

三邑皆齊西界以答謝衛意

齊侯賞犁

彌辭曰有先登者臣從之誓憤而衣狸製

皆白也憤齒上下相值製

也公使視東郭書曰乃夫子也吾貺子公賞東郭書辭

曰彼賓旅也

言彼與我若賓主相讓旅俱進退

乃賞犂彌

十年夏晉趙鞅圍衛報夷儀也初衛侯伐邯鄲午于寒

氏

邯鄲廣平縣也午晉邯鄲大夫寒氏即五氏也前年衛人助齊伐五氏

城其西北而守

之宵燔

午衆宵散

及晉圍衛午以徒七十人門于衛西門殺

人于門中曰請報寒氏之役

衛開門與午鬪

涉佗曰夫子則勇

矣然我往必不敢啟門亦以徒七十人旦門焉步左右

皆至而立如植

至其門下步行門左右然
後立待如木不動以示整

日中不啟門

乃退

十二年夏衛公孟彊帥師伐曹克邠

邠曹邑

還滑羅殿

羅衛

夫未出不退于列

未出曹境雖不退在行列之後

其御曰殿而在列其

為無勇于羅曰與其素厲寧為無勇

素空也厲猛也言
伐小國當如畏者

以誘致之

十二月公園成

成彊若列國與勃大
束故出入皆告廟

初仲由為季氏宰

仲由將墮三都

三都費邱成也彊盛將
為國害故仲由欲毀之

於是叔孫氏墮

邱季氏將墮費公山不狃叔孫輒帥費人以襲魯

不狃費宰

也輒不得志于叔孫氏

公與三子入于季氏之宮登武子之臺費

人攻之弗克入及公側

至臺下

仲尼命申句須樂頎下伐

之

二子魯大夫仲尼時爲司寇

費人北國人追之敗諸姑蔑二子奔

齊

二子不狃叔孫輒

遂墮費將墮成公歛處父謂孟孫墮成齊

人必至于北門

成在魯北境故

且成孟氏之保障也無成是無

孟氏也子偽不知

佯不知

我將不墮公園之弗克

十三年春齊侯衛侯次于垂葭實耶氏

垂葭改名耶氏高平鉅野縣西

南有
那亭
使師伐晉將濟河諸大夫皆曰不可邴意茲曰可

意茲齊

銳師伐河內

今河內汲郡

傳必數日而後及絳

傳告晉

絳不三月不能出河則我既濟水矣乃伐河內夏衛公
孟彊帥師伐曹

十一月荀躒韓不信魏曼多奉公以伐范氏中行氏弗
克

十四年二月辛巳楚公子結陳公孫佗人帥師滅頓以
頓子牂歸頓子牂欲事晉背楚而絕陳好也

夏吳伐越

報五年越入吳

越子勾踐禦之陳于檇李

勾踐越王允常子

勾踐患吳之整也使死士再禽焉不動

使敢死之士往輒為吳所禽欲

使吳師亂取之而吳不動

使罪人三行屬劍于頸

以劍注頸

而辭曰二君

有治

治軍旅

臣奸旗鼓

死軍令

不敏于君之行前不敢逃刑

敢歸死遂自剄也師屬之目越子因而伐之大敗之靈

姑浮以戈擊闔廬

姑浮越大夫

闔廬傷將指取其一履

其足大指

見斬遂失履姑浮取之

還卒於陘去檇李七里

十五年二月辛丑楚子滅胡以胡子豹歸吳之入楚

也在四年胡子盡俘楚邑之近胡者也俘取也楚既定胡子豹

又不事楚曰存亡有命事楚何為多取費焉傳言小不事大所以

亡

五月鄭罕達帥師伐宋敗宋師于老丘罕達子蘆之子老丘宋地宋公子地

奔鄭鄭人為之伐宋欲取地以處之

哀公元年春楚子陳侯隨侯許男圍蔡報柏舉也在定四年

里而栽栽說板築為圍壘周匝去蔡城一里廣丈高倍壘厚一丈高二丈夫屯晝

夜九日夫猶兵也壘未成故今人在壘裏屯守蔡如子西之素子西本許為壘當用九日

而成蔡人男女辨辨別也男女各別係累而出降使疆于江汝之間而還

楚欲使蔡徙國在江水之北汝水之南求田以自安也蔡權聽命故楚師還蔡于是乎請遷

于吳楚既還蔡人更叛就吳

是春吳王夫差敗越于夫椒報槁李也槁李在定十四年夫椒吳郈吳

縣西南大湖中椒山遂入越越子以甲楯五千保于會稽上會稽山也在

會稽山陰縣南使大夫種因吳太宰嚭以行成吳子將許之

伍負曰不可臣聞之樹德莫如滋去疾莫如盡昔有過

澆殺斟灌以伐斟鄩澆寒泥子封於過者二斟夏同姓諸侯襄四年傳曰澆用師滅斟灌

滅夏后相

夏后相啓孫也后相失國依于二斟復為澆所滅

后緡方娠逃出自

竇

后緡相妻娠懷身也

歸于有仍

后緡有仍氏女

生少康焉為仍牧正

官牧

長之 甚澆能戒之

甚毒也戒備也

澆使椒求之

椒澆

逃奔有虞為

之庖正以除其害

虞舜後諸侯也梁國有虞縣庖正掌膳饈之官賴此以得除其害

虞

思於是妻之以二姚

思有虞君也虞思自以二女妻少康姚虞姓

而邑諸綸

綸虞邑

有田一成有衆一旅

方十里為成五百人為旅

能布其德而兆

其謀兆始以收夏衆撫其官職

襄四年傳曰靡自有禹氏收二國之墟以滅浞而立

少康使女艾謀澆

女艾少康臣謀侯也

使季杼誘澆

種澆弟也季杼少康子后杼也

遂滅過戈復禹之績

過澆國
戈種國

祀夏配天不失舊物

物事也

今吳不如過而越大于少康或將豐之不亦難乎

言與
越成

足使越豐大
必為吳難

勾踐能親而務施施不失人

所加惠賜
皆得其人

親不

棄勞

推親愛之誠
則不遺小勞

與我同壤而世為仇讎于是乎克而

弗取將又存之違天而長寇讎

猶言天
與不取

後雖悔之不可

食已

食消也
已止也

姬之衰也日可俟也

姬吳姓言可
計日而待

介在蠶

夷而長寇讎以是求伯必不行矣弗聽退而告人曰越

十年生聚而十年教訓

生民聚財富
而後教之

二十年之外吳其為

沼乎

謂吳宮室廢壞當爲汙地
爲二十二年越入吳起本

三月越及吳平

夏四月齊侯衛侯救邯鄲圍五鹿

趙穰以邯鄲叛范中行氏之黨也五鹿晉

邑

秋八月吳侵陳修舊怨也初吳之入楚也

在定四年

使召陳

懷公懷公朝國人而問焉曰欲與楚者右欲與吳者左

陳人從田無田從黨

都邑之人無田者隨黨而立不知
所與故直從所居在右者居右在

東者居左逢滑當公而進

當公不左不右

曰臣聞國之興也以福其

亡也以禍今吳未有福楚未有禍楚未可棄吳未可從

及夫差克越乃修先君之怨以晉辭吳若何陳侯從之

是秋師及齊師衛孔圉鮮虞人伐晉取棘蒲

孔圉孔杰
鉏曾孫鮮

虞秋
帥

冬仲孫何忌帥師伐邾

二年春季孫斯叔孫州仇仲孫何忌帥師伐邾將伐絞

絞邾
邑

邾人愛其土故賂以鄆沂之田而受盟

三年春齊國夏衛石曼姑帥師圍戚

曼姑爲子圉父知
其不義故推齊爲

兵

首求援于中山

中山
鮮虞

夏宋樂髡帥師伐曹

冬叔孫州仇仲孫何忌帥師圍邾

四年夏楚人既克夷虎

夷虎蠻夷叛楚者

乃謀北方左司馬販

申公壽餘葉公諸梁致蔡于負函

三子楚大夫也此蔡之故地人民楚因以

爲邑致之者會其衆也

致方城之外於繒闕

負函繒闕皆楚地

曰吳將泝

江入郢

逆流曰泝

將奔命焉爲一昔之期襲梁及霍

偽解當備吳夜

結其旅明日便襲梁霍使不知之梁河南梁縣西南故城也梁南有霍陽山皆蠻子之邑也

單浮餘

圍蠻氏蠻氏潰

浮餘楚大夫

蠻子赤奔晉陰地

陰地河南山北自上雜以

東至司馬起豐析與狄戎楚司馬販也析縣屬南鄉郡

陸渾邑人及以臨上雒左師軍于苑和苑和山在上雒東也右師軍于

倉野倉野在上雒縣使謂陰地之命大夫士蔑命大夫別曰晉

楚有盟好惡同之若將不廢寡君之願也不然將通于

少習以聽命少習高縣武關也將士蔑請諸趙孟趙孟曰

晉國未寧安能惡於楚必速與之未寧時有范士蔑乃

致九州之戎九州戎在晉將裂田以與蠻子而城之詐

蠻子且將爲之卜城蠻子聽卜遂執之與其五大夫以畀

楚師于三戶今丹水縣北三戶亭司馬致邑立宗焉以誘其遺民

楚復詐為蠻子而盡俘以歸

五年夏齊侯伐宋晉趙鞅伐衛范氏之故也遂圍中牟

衛助范氏故也

六年春晉趙鞅帥師伐鮮虞治范氏之亂也四年鮮虞納荀寅于

栢吳伐陳復修舊怨也元年未得志故楚子曰吾先君與陳有

盟不可以不救乃救陳師于城父卜戰不吉卜退不吉

王曰然則死也再敗楚師不如死前已敗于栢舉今棄若退還亦是敗

盟逃讎亦不如死死一也其死讎乎將戰王有疾攻大冥

卒于城父

大冥陳地
吳師所在

仲孫何忌帥師伐邾宋向巢帥師

伐曹

七年春宋皇瑗帥師侵鄭叛晉故也

定八年
鄭始叛

晉衛曼多帥師侵衛衛不服也

五年晉伐衛
至今未服

秋公伐邾初季康子欲伐邾乃饗大夫以謀之子服景

伯曰小所以事大信也大所以保小仁也背大國不信

大國
吳也伐小國不仁民保于城城保于德失二德者危將

馬保

二德信與仁也

孟孫曰二三子以爲何如

怪諸大夫不言故指問之

賢而逆之

孟孫賢景伯欲使大夫不逆其言惡猶安也

對曰禹合諸侯於塗

山執玉帛者萬國

諸大夫對也諸侯執玉帛塗山在壽春東北

今其存者

無數十馬唯大不字小小不事大也

言諸侯相伐古來以然

知必

危何故不言

知伐邾必危自當言今不言者不危故也大夫以荅孟孫所怪且阿附季孫

魯

德如邾而以衆加之可乎

孟孫忿荅大夫今魯德無以勝邾但欲恃衆可乎言不可

不樂而出

李孟意異佞直不同故罷饗

秋伐邾及范門

邾郭門也

猶聞鐘

聲

邾不禦寇

大夫諫不聽茅成子請告于吳

成子邾大夫茅夷鴻

不許

曰魯擊柝聞于邾

言以諫近

吳二千里不三月不至何及于

我且國內豈不足

言足以距魯

成子以茅叛

高平西南有茅鄉亭

師遂

入邾處其公宮衆師晝掠

虜掠取財物也

邾衆保于繹

繹邾山也在邾

北師宵掠以邾子益來

益邾隱公也晝夜掠傳言康子無法

獻于亳社

以其

亡國與殷同

囚諸負瑕負瑕故有繹

負瑕魯邑高平南平陽縣西北有瑕丘城前者魯得邾之

繹民使在負瑕故使相就以辱之

是秋宋人圍曹鄭桓子思曰宋人有曹鄭之患也不可

以不救冬鄭師救曹侵宋

八年春宋公伐曹將還褚師子肥殺

子肥宋大夫

曹人詬之

不行

詬詈辱也不行殺兵止也

師待之公聞之怒命反之遂滅曹伯

及司城疆以歸

是春吳伐我初吳爲邾故將伐魯問于叔孫輒

問可伐不輒故

魯人叔孫輒對曰魯有名而無情

有大國名無情實

伐之必得志

焉退而告公山不狃

不狃亦故魯人

公山不狃曰非禮也君子

違不適讎國

違奔亡也

未臣而有伐之奔命焉死之可也

未臣

所適之國若有伐本國者則可還奔命死其難所託也則隱

魯所因託則爲之隱也

且夫

人之行也不以所惡廢鄉

不以其私怨惡廢棄其鄉黨之好

今子以小

惡而欲覆宗國不亦難乎

輒魯公族故謂之宗國

若使子率子必

辭王將使我子張病之

子張輒也

王問于子洩

子洩不祖

對曰魯

雖無與立

緩時若無能自立

必有與斃

急則人人知懼皆將同死戰

諸侯將

救之未可以得志焉晉與齊楚輔之是四讎也

與齊而四夫

魯齊晉之唇唇亡齒寒君所知也不救何爲三月吳伐

我子洩率故道險從武城

故由險道欲使魯成備

初武城或有因

于吳竟田焉

倚田吳界

拘鄆人之漚管者曰何故使吾水滋

郟人亦倚田
吳滋濁也

及吳師至拘者道之以伐武城克之

郟人
救吳

必可

王犯嘗為之宰澹臺子羽之父好焉國人懼

王犯
吳大

夫故嘗奔魯為武城宰澹臺子羽武城人孔子
弟子也其父與王犯相善國人懼其為內應

懿子謂

景伯若之何對曰吳師來斯與之戰何患焉且召之而

至又何求焉

言犯盟伐邾
所以召吳

吳師克東陽而進舍于五梧

明日舍于蠶室

三邑
魯地

公賓庚公甲叔子與戰于夷獲叔

子與析朱鉏

公賓庚公甲叔子并析邾鉏
為三人皆同車傳互言之

獻于王王曰

此同車必使能國未可望也

同車能俱死是國能
使人故不可望得

明日

舍于庚宗遂次于泗上微虎欲宵攻王舍

微虎魯大夫

私屬

徒七百人三踊於幕庭

于帳前設格今士試躍之

卒三百人有若與

焉

卒終也終得三百人任行有若孔子弟子與在三百人中

及稷門之內

三百人行至稷門

或謂季孫曰不足以害吳而多殺國士不如已也乃止

之吳子聞之一夕三遷

畏微虎

吳人行成

求與魯成

將盟景伯

曰楚人圍宋易子而食析骸而爨

在宣十五年

猶無城下之

盟我未及虧而有城下之盟是棄國也吳輕而遠不能

久將歸矣請少待之弗從景伯負載造于萊門

以言不見從故

負載書將欲出盟

乃請釋子服何子吳吳人許之以王子姑曹

當之而後止

釋舍也魯人不以盟爲了欲因留景伯爲質既得吳之許復求吳王之子以交質吳

不欲留王子遂兩止

吳人盟而還

夏五月齊人取讎及闡

宣元年傳曰內不言取言取授之也是爲賂齊言取益亦賂

也魯前年伐邾以邾益來益齊之甥畏齊故賂之

惡內也初齊悼公之來也

在

年季康子以其妹妻之即位而逆之季鮒侯通焉

鮒侯康子

叔父女言其情弗敢與也齊侯怒鮑牧帥師伐我取讎及

闡

六月齊使如吳請師將以伐我乃歸邾子

齊未得季姬故請師也吳

前爲邾討魯懼二國同心故歸邾子

邾子又無道吳子使大夫宰子餘討之

子餘大宰

囚諸樓臺梃之以棘

梃症也

使諸大夫奉太子革

以爲政

革邾太子桓公也

冊府元龜卷二百五十